

憂居宿久國福厚，易則薄失次，而上二三宿曰盈，有主命不成，不乃水火失次，而下曰縮，后戚其歲不復，不乃天裂若地動，一曰填，為黃帝之德，女主之象，主德厚安危存亡之機，司天下女主之過，又曰天子之星也，天子失信則填星大動。

〔鎔造化育論上〕日輪第六郭曰填星，圈土星運動之行環也，此星一萬零七百五十九日三時半餘一周焉，土星有大環而繞本星，且有五箇附庸小星而旋回本星之外圍也，然土星距大地甚遠而至其自轉之有無則未得審焉。
此星有如環者及五箇小星，古來人之所不知也，然後陽成天皇慶長十六年，西洋人瓦利凌斯者始窺見焉。

〔三代實錄四十七〕仁和元年正月十二日戊辰，寅時填星貫月。

〔日本紀略四上〕天德四年四月七日丙子，鎮星犯牽牛。

應和二年八月四日己丑，天文博士保憲上七月廿日略。同日昏戌時鎮星召守。召恐犯，星異奏。

〔玉海〕文治元年十月六日乙卯，早旦主稅助安倍晴光參來，申天變事，從去月廿三日癸卯，填星守犯太

微東蕃上相星，又從同廿八日戊申，歲星守犯同右執法星。相去各八寸所。是大臣大將等憤也，就中鎮星變，大

將慎尤重云々，又文云，天下有悅喜人主，改政云々，又云有立王事云々。

〔後深心院關白記〕延文四年八月卅日庚寅，今曉填星犯左民角星。軒轅宮，相去三寸所。

〔倭名類聚抄一〕長庚，兼名苑云，太白星一名長庚，暮見於西方為長庚，此間云豆不。

〔箋注倭名類聚抄一〕按毛詩大東篇，西有長庚，傳庚續也，正義云，日既入之後有明星，言其長能續

日之明，故謂明星為長庚也，是知由布都々夕續之義，今俗呼宵明星。中略。按廣雅，太白謂之長庚，毛

詩東有啓明，西有長庚，傳云，日且出謂明星為啓明，既入謂明星為長庚，兼名苑蓋本此，暮見以下，當

是兼名苑注文，然其注應即撰者自注，非佗人之解釋也，又按太白暮見於西方為長庚者，漢書天文

志所謂，大白常以正月甲寅與熒惑晨出東方，二百四十日而入，入四十日又出西方，二百四十日而

入者是也，開元占經，大白占篇，引石氏曰，太白者大而能白，故曰太白。

太白星